

canzelier el Zeneral, con quel zentilhomo vene di Franza, hanno fato grande istanzia a volerlo ad ogni modo: et cussi hano terminato far sopra zio uno altro Consejo. Et questi al presente domandano danari da' milanesi ricchi, ubligandoli la restitution di danari dil tajon, et non volendo dar, li metono in castello; sichè comenzano a exiger tal danari, forse da ducati 50000. *Item*, dil fu preso, come scrisse per le altre, non si ha dito altro, *adeo* non si crede sia la verità.

Et fo licentiatu Pregadi a hore do e meza di note, et li Savii si tolseno zoso di meter la parte de tanxar etc.

A dì 18. La matina segui l'oribel caso etc., che credendo lo andar a San Marco justa il solito, fui da quel traditor di Zuan Soranzo fo di sier Marco, con el qual ho lite zà anni 6 con lui, et è segurissimo di più de ducati 100, et per resto di do sententie ducati 47 pareva dovesse aver per conti vechii; et per farmi oltrazo, a San Cassan mi fece retenir, et andai a Santo Marco da Zaneto Dandolo, *licet* tutte le sententie erano suspese per sier Marchiò Nadal auditor vechio. Hor el di drio uscì fuora, e questa vendeta non lasserò ad altri.

Da Vicenza, fo letere di sier Nicolò Pasqualigo podestà et capitano, di eri. Come, havendo fato el suo Consejo zerca dar ducati 10000 a la Signoria, hanno preso donar li dicti ducati 10000, et cussi ne fanno un presente; et per la Signoria li fo risposto che non voleamo in don ma in prestedo. Veneno alcuni patricii in Colegio, per i qual fo mandato domandandoli danari et impresteno, sier Thodaro da Pexaro qu. sier Lunardo el cavalier ducati 100, sier Antonio Condolmer ducati 50 e alcuni altri.

Di Histria, fo letere dil podestà di Parenzo. Come era zonto li uno orator dil Signor turco, vien in questa terra, partito da Costantinopoli; et fo terminato honorarlo et proporli de mandar zentilhomeni incontra et la caxa.

Da poi disnar, fo Gran Consejo per trovar danari, et lo non li fui.

Fo posto, per li Consieri, la parte presa in Pregadi zerca il continuar la mità dil neto, che finisce questo mexe, per altri mexi 6 *ut in parte*. Fu presa.

Fu posto, per li diti, elezer 3 consieri di là da Canal, zoè San Marco, Castello, e Canaregio, dil corpo di la terra, come è stà electo li altri tre per questa volta tanto *ut in parte*, et fu presa.

190* Fu publicà, per sier Alvise Sabbadin secretario, quelli hanno oferto prestar in Pregadi per il pre-

sente imprestedo, justa la parte, et quelli ha a oferir a prestar, aziò tutti lo intendino.

Fo chiamati molti dotori et altri patricii di Pregadi per andar contra l'orator dil Turcho, et stiano preparati de andar, tra li qual io Marín Sanudo, che per mia sorte non era a Consejo.

Eleto Podestà et Capitano a Rovigo.

Sier Hironimo Baxadona, fo di Pregadi, qu. sier Filippo, ducati 1100 e dona il don, di qual portò contadi ducati 800 64.78

Sier Nicolò Malipiero, fo di Pregadi, qu. sier Tomaxo, ducati 1000 contati e il don 68.71

Sier Francesco Morexini, è di Pregadi, qu. sier Nicolò, ducati 1100 e dona il don, di qual portò contadi ducati 1000 . . . 80.58

Sier Hironimo di Prioli, è provedador sopra qu. sier Lorenzo, el qual, oltra a ducati 1500 prestò per avanti, portò ducati 1000 e dona il don 74.60

Sier Hironimo Barbarigo, fo di Pregadi, qu. sier Beneto, ducati 1100 e il don . 70.72

Sier Matio Alberto, è di Pregadi, qu. sier Antonio, ducati 800 contadi e il don . 66.74

† Sier Piero Valier, fo di Pregadi, qu. sier Antonio, ducati 1200 e il don, di qual portò contadi ducati 1000 92.47

Conte e Provedador a Liesna.

Sier Bernardo Donado, el XL zivil, qu. sier Zuane, ducati 500 e il don . . . 51.90

Sier Zuan Dolfín, el XL zivil, qu. sier Lorenzo, oltra ducati 250 prestò per XL, oferisse ducati 500 e il don, di qual portò 300 63.79

Sier Vincenzo Malipiero, fo conte a Liesna, qu. sier Andrea, ducati 400 e il don . 50.91

† Sier Francesco Nani qu. sier Zuane qu. sier Jacomo, ducati 600 contadi e il don 125.17

Un Provedador di Comun.

Sier Vincenzo Malipiero, fo XL zivil, qu. sier Andrea, ducati 200 e il don . . . 68.76

Sier Bernardin Minoto el cavalier, qu. sier Piero, ducati 250 e il don . . . 62.80

† Sier Antonio Lezze qu. sier Francesco, ducati 250 e il don, contadi 108.33